



**Kāri Rauemi**  
**Folk Nationalism**

Ayesha Green, *The Harvest*, 2020; kiriaku, kānawehi. Nā te ringa toi me MTG, Tai Ahuriri te manatārua

**City  
Gallery  
Wellington**  
Te Whare Toi

Part of  
experience  
**Wellington**  
wellington museums trust

Principal Funder  
**Absolutely Positively  
Wellington City Council**  
Me Heke Ki Pōneke

**Foundation**

Civic Square, 101 Wakefield Street  
Wellington 6140, New Zealand  
T: +64 4 913 9029  
E: [citygalleryeducation@experiencewellington.org.nz](mailto:citygalleryeducation@experiencewellington.org.nz)

[citygallery.org.nz](http://citygallery.org.nz)

City Gallery Wellington's  
Education Service is  
supported by the Ministry  
of Education's LEOTC fund.

**MINISTRY OF EDUCATION**  
Te Tihahu o te Mātauranga

## Folk Nationalism

### Mō te Ringatoi

He ringatoi a Ayesha Green (Ngāti Kahungunu, Kai Tahu) e noho ana ki Tāmaki Makaurau. I te 2013, i riro i a ia he Tohu Paerua o te Toi Ataata i te Kura Toi o Elam. Waihoki, he Pōkairua Tiaki Taonga hoki tāna. I toa hoki ia i roto i ngā whakataetae ā-motu o muri nei, ko te Rydal Art Prize tērā, ko te Springboard tērā me te 2019 National Contemporary Art Awards hoki.

### Mō te Whakaaturanga

Ka kitea kei roto o *Folk Nationalism* te mahi a te peita, te tāranga me te tuhinga hou i whanake ai i roto i te tau kua pahure. Inā kē te rahi o ngā peita me te koi o te ui atu ki ngā āhua o te whakakitenga o ngā hītori Māori me ngā hītori Pākehā, tae atu ki tā te mātātuhi mahi, ki tā te reo mahi i roto i te whakapūmāutanga o ngā pūnaha mana whakahaere.

Mā te horopaki hou, mā te taumanu hoki o ngā take, o ngā mata me ngā mātātuhi o mua e uiui ai a *Folk Nationalism* nā wai te mana. Ka tū ngā peita tūturu me ngā ata whaihanganga a Green hei haukotanga i ngā tohu matua o te tuakiri ā-whenua. He whakapātari i roto i *Folk Nationalism* kia huritao tātou i ngā pakiwaitara mō te tuakiri o Aotearoa; kia wānangahia, ākene pea ka tū te tatau pounamu mā te kōrero paki. Nā rā tā Matariki Williams mō te mahi toi a Green, “Perhaps the past is a foundation on which to place the future, to construct new meanings, to reinterpret inherited histories, to gaze upon with eyes anew.”

## Mārama | huatau matua

Ka āhei tā te ākonganga tūhura i ngā ariā toi ataata me ngā hītori o tēnei whenua hei urupare ki ngā mahi a Green.

- Ko te take nui o tā Green mahi toi he **whakakite anō** i ngā hītori o Aotearoa mā te **whakamāmātanga** o te kōrero hītori
- Hei tā Green, tipu taketake mai, tipu rāwaho mai, he tohu te tipu o te āhua o te **tāmitanga** me te **mana whakahaere** i roto i ngā horopaki ā-rohe.
- Ki tōna titiro, he **ratonga** tāna mahi toi mō tōna iwi inā hoki mā tāna mahi e oro anō ai ngā kōrero kua tāmia.

## Mōhio | horopaki o te toi

Ka āhei tā te ākonganga pakirehua i ngā take, i ngā uara, i ngā horopaki o tā Ayesha Green mahi.

- He whakaawenga nui ngā tipu nō konei, nō tāwāhi hoki ki tā Green mahi whakakite.
- Mō Green ake, kua huri te whenua hei rawa toi māna, hei tauira, te whakamahinga o te uku me te kōkōwai.

- He puna mātauranga te whenua e tārai tonu ai i te tuakiritanga.
- Nā runga i tā Joseph Banks horapa haere i Te Moananui-a-Kiwa ka tipu ake te whakatauhoko o ngā rawa o Aotearoa, koia ka tū ia hei aronga matua kei roto i ngā mahi a Green.
- Kua riro i a Green te mana whakahaere o tētehi kōrero hītori, mā tana whakaatu i ngā mātātuhi hītori rongonui e ai ki tōna ake titiro.

## Mahi | mōhio ā-ringa

Ka rehe te ringa o te ākonganga mā te:

- Īheuheu i ngā āhuatanga mātātuhi kia noho motuhake hei waka mō te kiko o te kōrero
- Whanake i ngā pūmanawa tuhi ā-mātakitaki
- Whakamahi o te pakirehua, o te taunaki kia mārohiroho ai te tū o te whare kōrero
- Whakarāpopoto i ngā hītori whīwhiwhi ki ngā āhuatanga pikitia māmā

### Ki mua i te toro mai

E hia ake nei ngā waka hei kawē i te kōrero hītori. Me wānanga ō ākonganga mā hea atu ngā kōrero hītori ki a rātou. Ākene pea ka toko ake ngā tauira pēnei i te pukapuka, te pakipūmeka, te kiriata, te pakiwaituhi, te waiata, te pūrākau, te kōrero tuku iho rānei.

### Kei toro mai ana

Ka ārahina ngā ākonganga mā roto i *Folk Nationalism* ki ngā mahi ā-ringa, ki te whakamahinga o te pene rākau waikano me te autō, mā reira e uiui ai mō te toi a Ayesha Green me ngā hītori o te motu. E whakamahi ana i tētahi mahinga toi a Green hei pūtaketanga, ka tuhi kāri ia ākonganga mō te whakaaturanga ki a ia anō. Ka whiwhi hoki rātou i tētehi kāri nunui hei mahi kia tae rātou ki te akomanga.

### Hei muri i te toro mai

Kei roto mai i ngā mahinga kōkōwai papai rawa a Green, tērā tētehi karanga ki tōna ao rangahau, ki tōna ao kōrero hohourongo. He ara tēnei mahi mā te ākonganga hei whakaanga i a ia anō ki roto i te hītori o Aotearoa.

**Tuhia** he kāri mā te paraihe peita, mā te waikano me tāu nā kāri nunui. Hei whakapātari:

- He paku kōrero ki tētehi tāngata rongonui nō roto i ngā hītori o Aotearoa
- He paku kōrero ki tētehi tāngata e noho ana ki tētehi Tiriti kua tapaina ki tō ingoa
- He paku kōrero ki te tūpuna o tō tūpuna

**Peitatia** he pikitia e pā ana ki tāu i tuhi ai. Hei tauira, he whakaahua kiriaro hei Tupaia.